



GARIS PANDUAN PERMOHONAN SKIM DANA PENERBITAN ARTIKEL (SDPA) UMS TAHUN 2025

1.0 PENGENALAN

Skim Dana Penerbitan Artikel (SDPA) diwujudkan untuk membantu menyebarkan hasil penyelidikan daripada kakitangan UMS melalui penerbitan artikel berindeks. SDPA bertujuan membantu pembiayaan yuran penerbitan artikel (*Article Processing Charge, APC*) untuk penerbitan berbentuk artikel dan bab dalam buku bagi menerbitkan artikel di jurnal dan bab dalam buku yang berindeks Scopus/WOS/ERA.

2.0 OBJEKTIF

- 2.1 Menambah hasil produk karya asli dalam kalangan kakitangan UMS yang mempunyai kepakaran dan pengalaman bermutu.
- 2.2 Meningkatkan tahap sitasi artikel melalui penerbitan yang berindeks dan berimpak tinggi.
- 2.3 Memberi impak kepada universiti dan negara dengan kedudukan dalam bidang-bidang bertaraf dunia.
- 2.4 Menghasilkan penerbitan karya ilmiah yang menjadi rujukan antarabangsa dan meningkatkan keterlihatan UMS.

3.0 SYARAT UMUM

- 3.1 Semua penerbitan artikel dengan menggunakan peruntukan SDPA mesti diindeks di SCOPUS/WOS/ERA.
- 3.2 Kategori penerbitan adalah terbitan jurnal dan bab dalam buku yang berindeks SCOPUS/WOS/ERA.

4.0 SYARAT-SYARAT PERMOHONAN

- 4.1 Skim dana ini terbuka kepada semua kakitangan akademik UMS bertaraf tetap dan kontrak yang berstatus aktif sahaja.
- 4.2 Afiliasi pemohon wajib menggunakan alamat Universiti Malaysia Sabah (UMS).
- 4.3 Pemohon mestilah merupakan pengarang penghubung (*Corresponding author*) atau Penulis utama (*First Author*) bagi penerbitan tersebut. Permohonan daripada salah satu pemohon sama ada pengarang penghubung atau penulis utama yang mempunyai tajuk yang sama sahaja yang akan diambil kira.

- 4.4 Artikel yang telah diterima mestilah mempunyai sekurang-kurangnya 1 penulis bersama antarabangsa atau industri.
- 4.5 Perkara 4.4 hanya terpakai bagi penerbitan jenis artikel jurnal sahaja. Bab dalam buku adalah terkecuali.
- 4.6 Manuskrip yang diterbitkan telah diterima untuk penerbitan oleh jurnal atau penerbit pada tahun semasa.
- 4.7 Penerbitan berindeks dan berfaktor impak berdasarkan Journal Citation Reports (JCR) tahun sebelumnya. Sebagai contoh, untuk penerbitan jurnal pada tahun 2024, JCR 2023 akan dirujuk.
- 4.8 Untuk penerbitan jurnal tanpa faktor impak, ia mestilah terindeks dalam pangkalan data Scopus/WOS/ERA.
- 4.9 Dana yang diluluskan hanya digunakan untuk membayar yuran penerbitan artikel sahaja. Kos seperti percetakan semula, yuran penyuntingan atau yuran terjemahan tidak akan dipertimbangkan.
- 4.10 Jumlah penerbitan dalam setiap permohonan adalah tidak melebihi jumlah siling peruntukan yang ditetapkan dan tertakluk kepada baki semasa.
- 4.11 Penerbitan yang dibiayai mestilah bukan daripada penerbit-penerbit yang dilarang oleh Kementerian Pengajian Tinggi seperti MDPI, HINDAWI dan FRONTIERS; dan juga penerbit atau jurnal pemangsa.

5.0 SILING PERUNTUKAN

- 5.1 Siling peruntukan adalah sebanyak RM5,000.00 sahaja bagi setiap artikel dan tertakluk kepada jenis artikel berindeks:

Indeks	Jenis Artikel	Jumlah Siling (RM)
Scopus/WOS/ERA	Jurnal/Bab dalam Buku	5,000.00

- 5.2 Sekiranya jumlah bayaran yuran penerbitan artikel melebihi siling peruntukan, bayaran lebihan adalah ditanggung oleh pemohon.
- 5.3 Pembayaran yang telah dibuat dengan menggunakan geran atau mana-mana sumber bantuan lain tidak akan dilayan.
- 5.4 Kelulusan adalah tertakluk kepada terma dan syarat dan jumlah peruntukan yang diluluskan oleh pihak universiti.

6.0 TATACARA PERMOHONAN

- 6.1 Pemohon perlu mengemukakan permohonan melalui **Borang Permohonan Dana Penerbitan Artikel (SDPA)**.

- 6.2 Borang permohonan yang telah lengkap diisi hendaklah dilampirkan bersama dengan dokumen sokongan seperti berikut:
- a. Salinan surat atau e-mel penerimaan daripada penerbit atau jurnal.
 - b. Resit bayaran yuran penerbitan yang akan diterbitkan pada tahun semasa dari penerbit atau jurnal.
 - c. Bukti jurnal/bab dalam buku berindeks Scopus/WOS/ERA berserta faktor impak.
 - d. Salinan muka hadapan manuskrip jurnal atau bab dalam buku.
 - e. Bukti rekod penerbitan bersama penulis bersama antarabangsa atau industri
- 6.3 Hanya penerbitan yang didaftarkan menggunakan e-mel rasmi UMS sahaja yang akan dipertimbangkan.
- 6.4 Permohonan perlu dikemukakan sebelum atau pada tarikh tamat permohonan sebagaimana yang ditetapkan oleh Penerbit UMS. Permohonan yang lewat tidak akan dipertimbangkan.

7.0 PEMANTAUAN DAN LAPORAN

- 7.1 Pemohon hendaklah melampirkan dan mengemukakan bukti penerbitan kepada pihak Penerbit UMS sebagai rekod selewat-lewatnya satu bulan selepas pembiayaan dilaksanakan atau selepas manuskrip diterbitkan secara salinan keras.
- 7.2 Sekiranya artikel ditarik balik (*retracted*) atau tidak diterbitkan atau tidak berindeks Scopus/WOS/ERA, pemohon bertanggungjawab untuk memulangkan dana yang diterima.

8.0 CARTA ALIR PROSES PERMOHONAN SKIM DANA PENERBITAN ARTIKEL (SDPA)

Sila lihat Lampiran 1.

Lampiran 1: Carta Alir Proses Permohonan Skim Dana Penerbitan Artikel (SDPA)

